

GLADY'S HENRIQUEZ 15 AÑA CU SUN DEVELOPMENT COMPANY

ORANJESTAD (AAN): Recientemente Gladys Henriquez, actualmente "Assistant General Manager Playa Linda Beach Resort" a recorda e hecho cu 15 aña pasá el a join e staff di Sun Resorts (Sun Development Company). Sra. Gladys Henriquez a regresa Aruba na aña 1977 pa establece su mes - despues di casi 12 aña - y el a inicia su carrera na Aruba Beach Club como Secretaria Ejecutivo. Despues di a fungi 3 aña como secretaria ejecutivo Sra. Henriquez a ser promoví pa e puesto di Assistant

Director pa "Marketing & Sales" Operations.

Na momento cu Sun Development Co. a cuminsa cu nan proyecto nobo "Playa Linda Beach Resort" Sra. Henriquez a ricibi e traslado di parti di Sun -cu ta promove su hendenan den manejo - pa Playa Linda Beach Resort na unda Sra. Henriquez a contribui grandemente na manejo y desarrollo di e proyecto nobo. Sra. Henriquez a ocupa varios posicion clave na Playa Linda manera "Executive Assistant Sales & OPC

Administration": "Supervisor Members Relations Department"; "Front Office Manager"; "Manager Members Relations Department"; "Resident Manager" y actualmente e ta "Assistant General Manager".

Na e ocasion aki, Sra. Henriquez a ser honra pa Presidente di Sun Development di Sun Development Co., Sr. Raymond Maduro, den presencia di e directornan di Playa Linda Beach Resort, Sra. Betty Werleman y Sr. Tom Pas, y su coleganan di trabao.



GRUPO 4.40 NOMINA PA GRAMMY AWARDS

ORANJESTAD (AAN): Juan Luis Guerra y Grupo 4.40, den cual grupo e orgullo musical di Aruba Hildward Croes ta integra,

tambe ta un di e nominadonan den e seccion latino pa e grandioso Grammy Awards cu lo ser pasa awenochi na TeleAruba.

E album di CD "Bachata

Rosa" cu tabata e Best Seller latino mas grandi di 1991, segun e popular revista Billboard, awor ta haya reconocimiento pa su meritonan di e organizadornan di e prestigioso galardón Norte Americano, esta Grammy Awards.

Ya ta di segundo vez cu e conocido musico Hildward Croes ta toca parti na e

Galardon aki ya cu por corda claramente con dos aña pasa, e tempo ey formando parti di e equipo di produccion di e album "Animacion" di Wilfrido Vargas, tabata entre e artistanan privilegia cu e nominacion aki.

Un palabra di pabien na e artista local y hopi éxito awenochi y pa futuro.

GREG RAFFA TRIO PRESENTANDO PA EVENTO SPECIAL AWE

ORANJESTAD (AAN): E organizacion caritativo "Friends Of The Handicapped" lo organiza un evento special awe.

Ta asina cu na Harbour-Town lo ser presenta e "Greg Raffa Trio" for di New York, tocando e favoritonan bieu di

pop y jazz.

Ademas lo bay tin bebidanan na prijs di Happy Hour, snacks gratis, premionan, y baile for di 5:30 p.m. te cu 7:30 p.m.

Tur esaki lo ta na beneficio di Friends Of The Handicapped of Aruba.



ARUBA BANK LTD.

De Aruba Bank N.V. roept sollicitanten op voor de functie van:

DIREKTIESECRETARESSE

Funktie inhoud:

De funktienaris draagt zorg voor de secretariale werkzaamheden o.a. voorbereiden en bijwonen van vergaderingen, verzorgen van de correspondentie, postbehandeling, telefoonafhandeling.

Funktie eisen:

- Diploma M.A.O. - direktiesecretaresse of een tenminste daaraan gelijkwaardige opleiding.
- Minimaal 3 jaar ervaring in soortgelijke functie.
- Goede beheersing van de Nederlandse en Engelse taal in woord en geschrift.
- Goede contactuele eigenschappen.
- Zelfstandig kunnen werken.
- Leeftijd tussen 30 - 40 jaar.
- Ervaring met Wordprocessing.

Arbeidsvoorwaarden:

- Salaris n.o.t.k., afhankelijk van opleiding en ervaring.
- Goede secundaire arbeidsvoorwaarden.

Sollicitaties met curriculum vitae dienen binnen 2 weken na het verschijnen van deze advertentie gericht te worden aan Mevr. Magda Lacle - Wever, afdeling Personeel van de Aruba Bank N.V. Caya Betico Creos # 41 Oranjestad Aruba.

NO STACIONA RIBA BRANDPUT RIBA RUTA DI CARNAVAL

ORANJESTAD (AAN): For di un oficial di Brandweer,

DIARIO a ricibi e suplica pa informa lectoran cu durante

Carnaval e publico semper mester tin seguridad na prome lugar.

Ademas pa autoridadnan, specialmente Bomberonan ta di suma importancia pa nan tin acceso facil na e asina yama "Brandput" nan cu tin poni na diferente sitio den centro di Oranjestad.

A lo largo di e ruta di Carnaval tambe tin varios di e Brandputnan aki. Si nan mester di haci uso di e esaki urgente, lo bay ta un dolor di cabez seguramente.

Un ehemplo cu a ser duna ta esun cu tin poni banda di Aruba Auto Park, caminda tin autonnan staciona riba esaki cu ta realmente dificulta acceso na dje den caso di emergencia.

DIARIO
Den Carnaval !!!

Petchi cu colornan neon y T-Shirt color blanco y preto. Nos tin sizenan grandi solamente.

Prijs pa tur dos hunto Afl. 15,-

Cumpra awor pasobra cantidad ta limita

